

## MSC-tut akuersissutit – killiffik unammillernartullu

Ukiut siulii assigalugit SFG 2023-mi nunatsinni MSC-tut akuersissutit allanngutsaalinnisaat pillugu arlalinnik suliassaqarnikuuvoq. Tamatumunnga tunngatillugu nunatta kitaata imartaani raajarniarnerup akuerisaaqqinnissaa eqqaassallugu pingaaruteqarpoq. SFG-p MSC-tut akuersissutit nutaaq 2024-mi januaarimi tigussavaa, aalisarnerlu taamaalilluni ukiuni tulliuuttuni tallimani akuersissuteqalerpoq. Sulili ataatsimik unammillernartoqarpoq, tassa sumiiffimmi SFA1-imik taaneqartartumi Canadap imartaaniittumi raajat avinneqarnissaat pillugu Nunatta Canadallu isumaqatigiissuteqannginnerat. Piumasaqaat 2025-p aallartinnerani MSC-mit nakkutillisoqarnerani matuneqassaaq, taamaammallu Aalisarnermut Naalackersuisoqarfik Canadamilu aalisarnermut oqartussat 2024-p ingerlanerani pisortatigoornerusumik suleqatigiinnissamut isumaqatigiissusiornissaat pingaaruteqarlunnarpoq.

MSC-tut akuersissutit sinneri 2023-mi surveillance audit-imik taaneqartartumik, tassa ukiumoortumik nakkutillilluni misissuiffiqineqarput, taamaalillutillu nipisanniarnermi nunattalu kitaata imartaani avataasiorluni qaleralinniarnermi MSC-tut akuersissutini tamani piffissaliussat attuumassuteqartut naapertorlugit piumasaqaatit piffissartinneqartut malillugit piffissaaq eqqorlugu ingerlapput. Nipisanniarnermi saniatigut pisat nalunaarsorneqartarnerat suli unammillernartoqarpoq. SFG Pinnortitaleriffik suleqatigalugu ukiuni kingullerni saniatigut pisat pillugit misissuinerneq arlalinnik ingerlataqarpoq, suliarlu taanna 2024-mi nanginneqassaaq, soorlutaaq SFG 2024-mi aalisarnerup aallartinginnerani paasissutissiinermik ingerlatsiumaartoq.



Saarullit, kullerit saarullillu ilaat sej-it pillugit Barentip imartaani aalisarnerup MSC-tut akuersissutaa pillugu 2023-mi "expedited audit"-imik taaneqartartoq, tassa saniatigut pisat nalunaarsorneqarnerinik misissuineq, ingerlanneqarpoq. Norgep sineriaata imartaani saarullit siaruarfii pillugit nutaanik ilisimasaqalernerq tamatumunnga tunngaviuvoq. Nunatsinni avataasiorlutik saarullinniartartut piasartagaasa 10%iisa missaanniittut tassaasut saarullit Norgep avannaata sineriaata imartaaneersut paasineqarpoq. MSC naapertorlugu saniatigut piasarinqarsinnaasut pillugit killissarititaasuniit tamanna annertuneruvoq. Aalisarnerq aalisarfiusartumiit avasinnerusumut nuutsingikkaanni saarulleqatigiit taakku marluk aalisarnerqarnerat immikkoortinneqarsinnaangilaq, tamannalu aalisarnermik ingerlataqartunut naapertuutینگilaq.

Saarullit, kullerit saarullillu ilaat sej-it pillugit Barentip imartaani aalisarnerup MSC-tut akuersissutaa pillugu 2023-mi "expedited audit"-imik taaneqartartoq, tassa saniatigut pisat nalunaarsorneqarnerinik misissuineq, ingerlanneqarpoq. Norgep sineriaata imartaani saarullit siaruarfii pillugit nutaanik ilisimasaqalernerq tamatumunnga tunngaviuvoq. Nunatsinni avataasiorlutik saarullinniartartut piasartagaasa 10%iisa missaanniittut tassaasut saarullit Norgep avannaata sineriaata imartaaneersut paasineqarpoq. MSC naapertorlugu saniatigut piasarinqarsinnaasut pillugit killissarititaasuniit tamanna annertuneruvoq. Aalisarnerq aalisarfiusartumiit avasinnerusumut nuutsingikkaanni saarulleqatigiit taakku marluk aalisarnerqarnerat immikkoortinneqarsinnaangilaq, tamannalu aalisarnermik ingerlataqartunut naapertuutینگilaq.

Saarullik Norgep sineriaata imartaaneersooq maanna MSC-tut akuersissutit atuunnerata sinnerani uumasooqatigiittut IPI-tut (inseperable or practically inseperable = immikkoortinneqarsinnaangitsutut suliaqarnermiluunniit immikkoortinneqarsinnaangitsutut) nalunaarsorsimalerpoq. Tassa imaappooq, MSC-tut akuerisaanissap tulliaata tungaanut saniatigut pisatut nalunaarsorsimanani uumasooqatigiittut nalinginnaasumik piasarinqartartutut nalunaarsorsimaniangippat piasarinqartartut ikilineqartariaqarput. Norgemi kattuffiup SFG-tut sulialiup saarullik Norgep sineriaata imartaaneersooq 2023-mi akuersissuteqaaqqilersippaa, taamaammatt SFG Barentip Imartaani aalisarnerup akuerisaaqqinnissaanut saarulliup pineqartup nalinginnaasumik aalisarnerqartussanngorlugu anguniagaqassaaq. Saarullik Norgep sineriaata imartaaneersooq pillugu ajornartorsiummut assingusoq Barentip Imartaata avataani aalisarnermut MSC-tut akuersissuteqartunut tamanut atuuttoq ilanngullugu eqqaassallugu pingaaruteqarpoq.

## Aqutsinissamut pilersaarutit

SFG ukiorpaalungortuni aalisarnermut oqartussanik Nuummiittunik pitsaasumik angusaqarfiusumillu suleqateqarpoq, tamannalu aamma 2023-mi atuuppoq. MSC-tut akuersissutit misissuinerillu tunngatillugit suleqatigiinneq kisimi pineqangilaq, aammali aqutsinissamut pilersaarutit assigiinngitsut suliarineqarneri suleqatigiissutigineqarput.

SFG ataani allasimasut pillugit aqutsinissamut 2023-mi pilersaarusiordermi suleqataavoq:

- Nunatta kitaata imartaani sinerissap qanittuani qalerallinniarneq
- Nunatta kangiaata imartaani avataasiorderluni qalerallinniarneq
- Saarullinniarneq
- Nunatta imartaata naqqa

Nunatta imartaani sinerissap qanittuani qalerallinniarnermi immallu naqqa pillugu aqutsinissamut pilersaarutit sulinaammassineqangillat, SFG-llu suleqataanini 2024-mi ingerlatiinnassavaa.



## MSC-mit najoqqutassat

MSC-p najoqqutassai saqqummiussat 3.0 nutaat 2023-mi maajip aallaqqaataani atuutilerput. Tassa imaappoq aalisarnerit nutaat MSC-tut akuerineqarnissamik suliniuteqarlutik aallartitsisut maanna taanna naapertorlugu nalilersorneqartassapput. Najoqqutassat nutaat piunasaqqaataat sumiiffiit ilaanni qaffasinnerupput. Minnerunngitsumik najoqqutassaq 2-mut tunngatillugu, tassani pineqarluni aalisarnerup pinngortitap aqqissuussaananut sunniutai (saniatigut pisat immallu naqqa) pillugit ilisimasat nalunaarsuinerlu. Aalisarnerit arlaannaalluunniit saqqummiussaq 3.0 naapertorlugu suli nalilersorneqangilaq, MSC-tullu akuersissutitta siunissami saqqummiussamut nutaamut nuutinneqarnissaanut piareersimaniarluta SFG-mit ineriartorneq malinnaavigeqqissaarparput. Nipisanniarneq qalerallinniarnerlu 2026-mi saqqummiussamut nutaamut nuussapput, raajarniarneq 2028-mi nuussaaq Barentillu imartaani aalisarneq 2025-mi nuuttussaassaaq.

## Nunani avannarlerni suleqatigiinneq

SFG 2023-mi aammaarluni nunani avannarlerni ingerlataqartut Norgemiittut, Islandimiittut Savalimmiuniittullu MSC-mut tunngatillugu suliaqarnermi qanimut suleqatigai. Ukiup aallartinnerani Oslomi ataatsimeeqatigiittoqarpoq, ingerlataqartullu ataasiakkaat akuersissuteqartartunut assigiinngitsunut (CABs) nunanit ataasiakkaanit atornerqartunut sanilliullugu MSC-mi najoqqutassat nutaat pillugit isummersuutaat misilittagaallu pillugit ataatsimiinnerit siuliini oqallinneq ingerlateqqinneqarpoq.

Ataatsimiinnermut atatillugu ingerlataqartut ilaasa aalisarnerinik MSC-tut akuerisaasunik saqqummiussamut 3.0-imut sanilliullugu pisortatigunngitsumik naliliivigineqarnissaannik, taamaallunilu unammillernartut pingaarnert suunersut paasineqarnissaannik suliaq aallartinneqarpoq. Ataatsimiittarnerit nunanillu avannarlernik MSC-mit sullinneqartunik allanik suleqateqarneq 2024-mi MSC-mi ingerlaannassaaq. MSC-mi najoqqutassat ataavartumik ineriartortinneqarnera pillugu suliaqarnermi suleqatigiinneq ataatsimoorussamik, taamaallunilu nunani avannarlerni oqartussaaqataanermik nukittunerusumik ilaatigut pilersitsivoq.

Qulaani suleqatigiissutigineqartut taaneqartut saniatigut Nordisk Ministerrådimit aningaasaliiffigineqarneq aqutugalugu nunani avannarlerni MSC-mit sullinneqartut akornanni nunanilu ataasiakkaani ilisimatusartut immap naqqani uumasooqarfiit uumassuillillu pillugit ilisimatusartut akornanni suleqatigiinnermik aallartitsisoqarpoq.

Oqaatigineqareersutut MSC-mi najoqqutassat nutaat uumasooqarfiit eriagisassat pillugit ilisimasanik takussutissiinissamillu qaffasinnerusumik piunasaqarput. Nunani ataasiakkaani ilisimatusartut katersuutsinneratigut immap naqqa pillugu ilisimasat pioreersut tamarmik misissorneqarnissaat kiisalu MSC-mut tunngatillugu ilisimasanik nutaanik pilersitsiniarnermi suliniutinik aallartitsillunilu suleqatigiinnissaq siunertaavoq. Ataatsimiinneq siulleq 2023-mi oktobarimi Svenstrupimi ingerlanneqarpoq, 2024-mi ataatsimiinnerit marluk kiisalu 2025-mi inaarutaasumik isumasioqatigiinneq pilersaarutaareerput.

Naggasiutigalugu eqqaaneqarsinnaavoq SFG 2023-mi MSC-p nunani tamalaani teknikkeqarnikkut isumasioqatigiivini suliasat assigiinngitsut pillugit MSC-p siulersuisuiniut siunnersuisuini ilaasortanngormat.